

**Valedor
do Pobo**
Galicia

REXISTRO XERAL DO VALEDOR DO POBO

SANTIAGO DE COMPOSTELA

Data: 11/01/2017 10:00:10

SAIDA 547/17

D^a. Montserrat Flores Obarrio

(Comisión extraordinaria obras pais e nais CEIP Ramón de la Sagra)

montsefo@hotmail.com

Expediente: D.3.Q/64055/16; D.3.Q/64117/16 ao D.3.Q/64268/16

Santiago de Compostela, 10 de xaneiro de 2017

Estimados Sres. e sras.:


En relación coas queixas que vostedes presentaron nesta institución, dado que a Consellería de Cultura, Educación e Ordenación Universitaria aínda non remitiu o informe demandado, o día de hoxe requirímolo novamente, recordando expresamente que tal envío resulta unha obriga legal (art. 22 da Lei do Valedor do Pobo).

Xuntámoslle copia do escrito enviado á Consellería de Cultura, Educación e Ordenación Universitaria.

Poñerémonos de novo en contacto con vostede unha vez que a citada consellería nos remita a referida información, dándolle conta da nosa actuación e, se é posible, da solución do seu problema.

Agradézolle a confianza que nos demostra e saúdoo atentamente.

Milagros M^a Otero Parga
Valedora do Pobo



**Valedor
do Pobo**
Galicia

REXISTRO XERAL DO VALEDOR DO POBO

SANTIAGO DE COMPOSTELA

Data: 11/01/2017 9:24:28

SAIDA 546/17

Sr. conselleiro de Cultura, Educación e
Ordenación Universitaria
Edificio Administrativo San Caetano
15781 SANTIAGO de COMPOSTELA

Expedientes: D.3.Q/64055/16; D.3.Q/64117/16 ao D.3.Q/64268/16

Santiago de Compostela, 10 de xaneiro de 2016


Sr. conselleiro:

Como sabe, ante esta institución, mediante escrito de queixa, compareceron solicitando a nosa intervención 296 pais e nais de alumnos do CEIP Ramón de la Sagra, en A Coruña, manifestando a preocupación da comunidade educativa polas obras que foron iniciadas no centro para a súa rehabilitación integral, enerxética e funcional.

Tal como lle comunicábamos no noso escrito de solicitude de informe na data do 15 de decembro, os promotores desta queixa dirixiran xa un escrito á Secretaría Xeral Técnica da Consellería de Cultura, Educación e Ordenación Universitaria expoñendo as inxerencias, preocupacións e solicitudes dos pais e nais en relación con esta obra, cuxa necesidade e conveniencia non é posta en discusión por ninguén, pero si o período no que se teñen comezados os traballos. Nos comunican que tiveron unha xuntanza a mediados de novembro co xefe territorial quen comprometeuse a manter informada á comunidade educativa do plan de traballo e das previsións relativas ao calendario de execución. Dirixíronse tamén á inspección de traballo e tentaron reunirse coa dirección facultativa da obra e os técnicos supervisores.

No oficio que esta institución dirixiu á consellería o 15 de decembro, solicitamos que nos facilitase información sobre o problema que motivou a queixa, respectando o prazo legal dada a urxencia do asunto. En concreto, que nos informase sobre os seguintes aspectos:

-as previsións de execución das obras de rehabilitación integral co calendario establecido no plan de traballo



-as previsións particulares sobre as obras de retirada de placas de fibrocemento. Respecto destas, esta institución reiteraba nese escrito que, á marxe da adopción das medidas de seguridade e protección da saúde dos traballadores previstas nas notas técnicas de prevención, cómpre subliñar que deben cumprirse todas as disposicións normativas recollidas no *Real Decreto 396/2006, de 31 de marzo, por el que se establecen las disposiciones mínimas de seguridad y salud aplicables a los trabajos con riesgo de exposición al amianto.*


No caso do alumnado, pola súa vulnerabilidade e polo principio de precaución, non debe estar no centro escolar durante estas obras, polo que deberían realizarse en período non lectivo continuado (vacacións). Tendo en conta que non existen niveis de exposición que sexan seguros, debería realizarse unha medición de fibras no aire antes de que se reinicie a actividade escolar.

Solicitámoslle tamén que informase sobre calquera outra circunstancia que debera ser tida en conta nestes expedientes de queixa.

A obriga de cumprir estritamente coas disposicións do Real Decreto 396/2006, de 31 de marzo foi transmitida verbalmente a dous responsables desa consellería.

Na data de onte, os representantes dos pais e nais do alumnado do CEIP Ramón de la Sagra comunicaron que no plan de traballo desta semana estaba previsto iniciar a retirada da cuberta de fibrocemento o mércores, día 11 de xaneiro, se as condicións climatolóxicas o permitían, comezando a traballar as 16:00 horas, fóra do horario lectivo, e continuando polas tardes ata concluír a retirada. Esta planificación dos traballo de desamiantado implica que os alumnos entran as aulas ao día seguinte pola mañá, sen tempo de acreditar, por medio das obrigadas medicións, que a concentración de fibras de amianto no aire do interior do centro escolar é inferior aos valores límite legalmente establecidos.

Consideramos esencial insistir en que esta normativa, aínda que dirixida especificamente á seguridade e saúde dos traballadores, é aplicable a toda actividade que presente risco de exposición ao amianto, en defecto de regulacións específicas para os planes de desamiantado en instalacións escolares. Malia que afecta a toda a comunidade educativa, por riba de calquera outra consideración, o interese dos menores, que é o máis necesitado de protección, esixe que non existan riscos para a súa saúde derivados das obras e non hai forma de garantir que non hai exposición a fibras de amianto no aire ou no chan tras un traballo de desamiantado sen unha avaliación e medición da zona nos termos sinalados polo Real Decreto 396/2006, en particular, os artigos 5, 6 e 7.





**Valedor
do Pobo**
Galicia

Por outra parte, como é sabido, as medicións non están dispoñibles ata transcorridas al menos 48 horas do toma da mostra, se se fan de xeito urxente e con unha metodoloxía específica nun laboratorio acreditado para este tipo de medicións. De forma ordinaria, os laboratorios proporcionan os resultados en prazos superiores a unha semana.

Esta institución considera que deben adoptarse todas as medidas precisas para garantir que, con carácter previo á incorporación do alumnado do CEIP Ramón de la Sagra á calquera actividade no centro escolar que poida presentar un risco de exposición ao amianto ou a materiais que o conteñan, se conte cunha avaliación de riscos que debería incluír a medición da concentración de fibras de amianto no aire do interior do centro e a súa comparación cos valores límite establecidos, tendo en conta que a exposición debe ponderar que se trata de nenos entre os seis e os doce anos. Deben observarse as previsións técnicas sobre a periodicidade das medicións, de xeito que os alumnos non poden estar no centro se non se conta cunha medición actualizada.

Transcorrido amplamente o prazo de 15 días establecido no artigo 22 da Lei do Valedor do Pobo sen recibir o seu informe, requíreselle a través deste escrito para que dea cumprimento urxente ao preceptuado na citada lei autonómica (adiantando o informe vía fax ou e-mail). Recórdaselle especialmente a obriga de tódolos poderes públicos de Galicia de prestar o auxilio e colaboración que lles sexan demandados por esta institución nas súas investigacións e actuacións (art. 26.1 da citada Lei).

Reciba un atento saúdo.

Milagros María Otero Parga
Valedora do Pobo